



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XII. Collusores beneficiis, de quibus collusum est, debent spoliari.

**urn:nbn:de:hbz:466:1-15588**

AN  
CENS  
17

fias & ecclesiastica beneficia occupata scienter detinent, quam in ipsis qui ecclesias vel ecclesiastica beneficia taliter occupare præsumperint, & sicut ex literis tuis intelleximus, excommunicationis sententiam protulisti. Nos itaque eamdem sententiam ratam & firmam habentes, eamque auctoritate apostolica confirmantes, per A. S. præcipiendo mandamus, quatenus episcopi singuli vestram sententiam in singulis episcopatibus suis saltem quater in anno innouantes, eam contradictione & appellatio-  
ne cessante, faciatis inuiolabiliter obseruari: nec clericos ipsos, qui sententiam ipsam incurront, vel de cetero in-  
current, si congrue non satisficerint, & a præsumptione sua omnino destiterint, absoluere præsumatis.

C A P. XII. *Idem Norwicensi episcopo.*

Audiuimus, in episcopatu tuo, & aliis episcopatibus Angliae usque adeo clericorum malitiam excreuisse, quod interdum collusione inter se facta super beneficiis quæ possident, se sustinent ab aliis molestari, & postea, ut quæstioni cedatur, & iidem clerici beneficia quiete possideant, quasi nomine transactionis soluunt aliis de ipsis beneficiis annuam pensionem, ut post mortem eorum in beneficiis illis, super quibus est inter eos clericos collusio facta, ius sibi valeant vendicare. Vnde quia quid tibi sit exinde faciendum nos consulere voluisti: fraternitati tua, &c. quatenus si quos clericorum tuae iurisdictionis collusionem huius fraudis legitimate tibi constiterit commisisse, eos beneficiis, super quibus collusi fuerint, non differas appella-  
tione cessante perpetuo spoliare: quia satis esset absurdum & indignum, si fraus & dolus, quem in præiudicium tuae iurisdictionis, & aliorum committere nituntur, in eorum non redundaret incommodum & iacturam.

## C A P. XIII.

*Item Lucius tertius B. Vigorniensi episcopo.*

Dolum in agentis iacturam red- undare.

Significauit nobis T. rector ecclesiæ de Dulting, quod a dilectis filiis nostris abbatte & monachis Glastiriæ, ad regimen illius ecclesiæ electus, de soluendo anno censu quatuor marcarum, quem prædecessor eius soluerat, corporaliter præstitit iuramentum: postmodum venerabilis